

卷一三三九 夢字

卷一三四〇 夢字

卷一三九三 衆字

卷一三九四 中字等

永樂大典

永樂大典卷之一萬三千一百三十九

一送

夢

夢乘龍上天

類林雜說黃帝少時夢乘龍上天。後叔嘗夢羅泌路史陶唐紀帝始在唐夢御龍乘龍上

而有天下。東漢書馮異傳異勸光武即帝位。光武乃詔異詣鄴問四方動靜。異曰三王反畔更始敗亡。天下無主宗廟之憂在於大王。宜從衆議。上為社稷。下為百姓。光武曰我昨夜夢乘赤龍上天。覺悟心中動悸。異因下席再拜賀曰。此天命發於精神。心中動悸大王重慎之性也。異遂與諸將定議上尊號。金樓子興王篇漢世祖文叔嘗夢乘赤龍登天。上珠階玉闥。吳志孫休字子烈封琅瑯王居會稽夢乘龍上天顧不見尾覺而異之。孫皓廢休自立七年薨。孫皓悉誅其子。晉書郭瑀傳王穆以瑀為太府左長史軍師將軍。雖居元佐而口詠黃老。冀功成世定追伯成之蹤。穆惑於讒間使西代索頤瑀諫曰昔漢定天下然後誅功臣今事業未建而誅之立見麋鹿游於此庭矣。穆不從。瑀出城大哭舉手謝城曰吾不復見汝矣。還

而引被覆面。不與人言。不食七日。與疾而歸。旦夕祈死。夜夢乘青龍上天。至屋而止。寤而嘆曰。龍飛在天。今止於屋。屋之為宇。尸下至也。龍飛在屋。吾其死也。古之君子。不卒內寢。況吾正士乎。遂還酒泉南山赤崖閣。飲氣而卒。宋書晉安王子勛於尋陽城南設壇即位。子勛語左右曰。昨夜夢乘龍上天。俛視不見其頭。衆咸失色。莫有對者。著作郎孫綬進曰。易稱見羣龍无首。吉祥也。衆乃大悅。太平御覽祖珽知齊太上有大志。深自結納。嘗啓昨夢大王乘龍上天。願深自愛。太上大喜。即位之後。擢拜中書侍郎。南史齊高帝紀。帝年十七時。嘗夢乘青龍上天。西行逐日。又帝與孫奉伯

同室卧。奉伯夢帝乘龍上天。於下捉龍脚。不得及。覺敝夢。因謂曰。兖州當大庇生靈。而帝不得與也。奉伯竟卒於宋世。舊唐書宣宗紀。宣宗微時。嘗夢乘龍昇天。言之於鄭太后。乃曰。此不宜人知。毋幸勿復言。宋史烈傳。趙汝愚嘗夢孝宗授以湯鼎。背負白龍升天。後翼寧宗以素服登大寶。蓋其

驗。
夢乘龍

江寧縣志丁咸序。南唐時。應數舉。忽夜夢乘龍自地而起。顧見一駱駝隨之。私自喜。幸必登科第。復應又不捷。

尋歸宋。應十數上。凡踐場屋。迨三十餘年。嘗自思。以其夢為憑。至咸平三年。王公知貢舉。咸序上詩曰。常憶金陵應舉時。壯心頻欲挹丹枝。蹉跎三

十年中事。一度思量一淚垂。於是奏名。及殿試以第三甲放之。其亞之者則龍起。又亞之者又駱起。及觀榜方悟其夢。青瑣高議。天聖年中。馬輔將御試。夢乘龍飛去。自推以為吉兆。是年殿下。次舉又過省中久。再夢乘一巨蛇而飛於空。其去甚疾。輔憂慮謂人曰。吾向夢跨龍。猶不利。今乘蛇。固可知也。洎晨廷唱第。先呼龍起。次呼蛇起。又呼馬輔。三人相連而不相間。異哉人之貴也。夢先兆於數年之前。

夢跨龍

臣名

見聞志。虢國夫人因生日。進內膳。貴妃上殿奏。邀帝。帝往焉。貴妃歛躬起曰。妾昨夜夢與帝遊驪山。似至興元驛。方與帝對食。後宮亦告火發。倉卒與帝把手出驛。回望驛中高木數株。俱為烈焰。左右奏。綵仗不完矣。或有控二龍來者。陛下跨一龍。妾亦跨一龍。隱約西北去。陛下所跨白龍。介甲間有白光。侍從甚盛。其去若飛。妾所跨龍。其色蒼黑。介甲間亦有黑氣。其行頗緩。左右從畧無人。西顧惟有一蓬頭黥面物。色視之不類人。前望陛下。去甚遼遠。欲逐陛下。因此所跨龍青面物。或急鞭龍數下。龍馳去觸一危峯。龍蜿蜒墮地。妾亦沉煙霧中。開目則獨在一小室中。問向所青面物言曰。某此峯神也。妃子合居于此。有一驛自外來曰。帝令授妃子封邑。手執青紙文一軸。字體若用朽木書。蒼暗不可識。惟後字可辨。云妾授益州

牧蠶先后仍百鎰。已而聞若有兵大呼。因急合戶。倏然覺來。滿身汗浹。不知此何祥也。顧帝告之。帝仰而沉思。俯而發嘆曰。對酒且圖今日之樂。其事他日可知也。又云。漁陽叛。帝駕西遊。至馬嵬。六軍不發。請殺貴妃。帝不得已。命縊于佛堂。果符益州牧蠶之夢。蓋蠶能吐絲。而絲居縊旁。乃縊字也。高力士曰。向妃子嘗對陛下言。其所得夢時。臣侍立。歷歷在耳。願陛下少解釋。以開愚懣。帝曰。妃子之夢。今皆應矣。與朕遊驪山。驪與離同音。方食而後宮火起。亦失食之兆也。火乃兵士之氣也。回望驛中。木俱焚。驛與易同音。加其木於傍。楊字也。俱焚滅身之災可知也。吾跨白龍西遊之象。彼跨黑龍。幽暗之理也。獨行無左右之助也。龍墮煙霧。皆幽陰之處。獨居一室。乃古寺之應也。一騎者馬也。黥面物稱峯神。乃山鬼也。果死於馬嵬乎。益州養蠶。益傍加絲。乃縊字也。帝長吁曰。託此夢者何神也。一何顯然如此。

夢人跨龍

摭遺新說王桂英既遇王

魁也。歲月既久。情好益篤。桂嘗語魁曰。妾未遇君前。一夕得夢。夢有人跨一龍。繞高數丈。仰望跨龍者。狀貌甚大。跨龍者執一鞭。鞭絲拂地。傍觀者皆曰。此神仙人也。少頃。龍驤首欲上。我即執其鞭絲。陞未數丈。鞭絲中斷。而我墮地。仰望龍已不見。而微見其尾。忽然雷雨大作。望見一處有林木。

欲休於其下。至則有一人亦欲避雨。顧其木曰。此白楊木不可止。其人遂去。妾則竟避其下雨勢甚急而妾獨不濡。不久睡覺竟思恐非吉兆也。洎此日見君狀貌。乃夢中跨龍者也。乃自解曰。鞭斷而我墜。君當升騰而去。妾不得同處矣。妾不識白楊木何物也。常詢人皆曰。人塋墓間多有此木。吁。妾不久其死乎。雨澤潤萬物而我不濕。是知非善夢也。魁曰。夢何足遽信。但無慮非久復相會。於是執手大慟。移刻魁上馬。桂祝之。得失早還。無負約也。

夢看龍

温州府志僧擇仁。永嘉人。善畫松。一夕夢看四百條龍。自是臻於神妙。每醉揮墨。醒後乃補之。形狀

極於奇恠。嘗醉永嘉市。顧竹壁取拭盤盂。濡墨洒其上。未日少增修為。狂根枯株人伏其神。

夢吞龍

宋類苑永嘉僧擇仁。

善畫松。其初遍求諸家畫松。采其所長而學。有善畫松身者。松皮者。布枝柯者。畫叔者。根石者。擇仁盡得其意。一夕夢吞數百條龍。自是遂臻於神

夢獲一龍

南唐書南唐主徐知誥。姓李。小字彭奴。唐室裔也。流寓濠泗。吳武王楊行密克濠州得之。異其狀貌。

云。夢以為子。楊氏諸子不能容。行密以與徐溫。乃姓徐。名知誥。溫嘗夢水中黃龍十數。溫獲一龍。而寤翌日得知誥。乃以為子。知誥奉溫以孝聞。

夢黃龍無數

釣磯立談義祖常夢臨大水。水中有黃龍無數。旁有一古丈夫。冠服如三禮圖所畫節服氏之

形。荷一大戟而立。語藝祖曰。汝可隨意捉之。義祖袒身而入。捉得一龍而出。驚悸而覺。未幾掠得烈祖。養以為子。

夢黃龍

蟠地

潮州府三陽志。道隆不知何許人。余襄公靖作永興華嚴院記云。潮之海陽人。俗姓黃氏。得心印於汝州璉禪師。至和初遊京

師。客景德寺。宋仁宗夢黃龍蟠地。明日召至便殿。問宗肯。隆奏對詳允。上悅。館于大相國寺燒香院。王公貴人爭願先見。未盟戶外屢滿矣。

夢

白龍附肩

五代薛史。梁太祖帝紀。帝營于長蘆。一夕夢白龍附于兩肩。左右瞻顧可畏。恍然驚寤。

夢白

龍挾船

南史宋劉穆之傳。穆之初為琅邪府主簿。嘗夢與宋武帝汎海。遇大風。俯視船下。見一白龍挾船。既而至一山。山峯

聳秀。意甚悅。

夢黑龍盤座

武林紀事。曾公亮與一富家子俱赴春官。道經淮陽。同宿於娼館。娼於公極意

奉承。略不顧富家子。公曰。我貧士也。今反下顧小人。誤矣。娼笑曰。非汝所知也。我先一夕夢黑龍蟠屈座間。以一爪置水盆中。公適坐處。以手掬弄

盆中水正與夢應。故云公必貴耳。後公亮果及第。與淮陽。與娼相持大喜。遂納為婦。

夢黑龍遠居

明王

清投轄錄。范宏父。鍾少年漂泊。嘗徒步過豫章村落中。日高未得食。至一山寺。有僧夢黑龍繞其居。既興。閑步出戶。有窮士淒然坐於三門。僧邀入解榻。推以食待之。且問其所向。宏父云。謀赴開封試。途窮不能前。奈何。僧傾囊以濟其行。其徒笑且排之。是歲首薦。明年登科。後以龍圖閣學士帥江西。其僧尚在。

夢黑龍蟠寺

夷堅志。福州張聖者。本水西雙峯下居民。入山採薪。逢兩人對

奕于盤石上。與之生筍使食。張不能盡。遂謝去。即日棄家賣卜。未嘗呵錢布卦。而人禍福死生。隨口輒應。自稱曰張鋤柄。紹興中。張魏公鎮閩。母冀夫人多以度牒付東禪寺。使擇其徒披剃。長老夢黑龍蟠踞寺外。旦而覘之。則張也。問之曰。欲為僧乎。曰。固所願。於是落髮而立名圓覺。嘗以雙拳納口中。每笑時。幾至於耳。素不識字。而時時賦詩。見交游間。過舉必盡言諷勸。郡士林東有才無行。嘗批張頭曰。圓覺頭生角。張應聲曰。林東不過冬。及期東以罪編隸。後行游建安。放言忤轉運副使馬子約。純馬擒赴獄。桎梏箠掠。而肌膚無所傷。竟用造妖惑眾。効於朝。流梅州。久之復歸鄉。已

卯之冬。或問新歲狀元為誰。曰。在梁十兄家皆莫能曉。既乃溫陵梁丞相。魁天下。十兄者克字也。張所遇奕者。一巾一髮。聖者與之筭。蓋鍾離子云。

夢黑龍繞門

夷堅志。縉雲富人潘君。少貧。嘗貿易城中。天且暮。值大雨急。避止道傍人家。不能歸。因丐宿焉。

不知其娼居也。娼夜夢黑龍繞門左。旦起視之。正見潘卧簷下。心以為異。延入厚禮之。欲與之寢。潘自顧貧甚。力辭至再三。強之不可。一日醉以酒合焉。自是傾家貲濟之。不問其出入。潘籍以為商。所至大獲積財。踰數十百萬。因聘娼以歸。生子擢進士第。至郡守。其家至今為富室云。夢

驪龍見田

饒雙峯年譜。先生生之夕。父竹坡夢門之外。有驪龍見於田。

夢龍升天

洪邁夷堅志。羅春伯黜撫州崇仁人。淳熙甲午。就館於邑人吳德秀家。受業者數輩。吳嘗夢館之西偏有物類狗。起於芭蕉叢中。已而兩角。幾然奮身飛躍。歷舍東升于天。光彩粲然。照耀遠邇。遺鱗脫甲委墮滿地。方審為龍也。覺而喜。徧以告人為祥。應比秋試。獨羅中選。其所居正在邑西也。後仕至佐樞度。然未兩月終于位。

夢龍飛天

玉堂閣話。唐天祐年。河中進士楊玄同老於名場。是歲頗亦彷徨。未

涯兆朕。宜祈吉夢以卜前途。是夕夢龍飛天乃六足。及見榜乃名第六。則知固有前定矣。

夢龍戲日

東齊記
事英宗

皇帝未生。濮安懿王夢二龍戲日傍。俄與日俱墜以衣承之。大纔寸許。將納於佩囊。忽失所在。久乃見於雲中。一龍人言曰。我非汝所有。生之夕又

見黃龍數四出入卧内。豈不神異哉。

夢兩龍挺日圖

太平御覽河圖挺佐輔曰。黃帝修德立義天下

大治。乃召天老而問焉。余夢見兩龍挺日圖。即帝以授余於河之都。覺味素喜。不知其理。敢問於子。天老曰。河出龍圖。雒出龜書。紀帝錄圖聖人所紀姓號。興謀治。平然後鳳凰處之。今鳳凰以下三百六十日矣。合之圖紀天其帝圖乎。黃帝乃祓齋七日。衣黃冠黃冕。駕黃龍之乘。戴蛟龍之旗。天老五聖皆從以遊。河洛之間。求所夢見者之處。弗得。至於翠嫫之淵。犬盧魚沂流而至。乃問天老曰。子見天中河流者乎。曰見之。顧問五聖。皆曰莫見。乃辭左右。獨與天老跪而迎之。五色畢具。天老以授黃帝。舒視之。名曰錄圖。
夢龍擎空
夷堅志政和末。張魏公與同舍二人。自漢州從鄉先生入京赴省試。詣一廟求夢。禱罷皆寂無所感。先生者年長於諸人三十許歲。甚怒曰。緣汝三小子無敬心。累我不得夢。

齋戒三日復往申禱。遂獨夢入殿庭。見大龍長百丈。天矯擎空。一人奮而登其背。傍立者語之曰。此張天師也。寤而甚喜。謗言於衆。有得色。魏公曰。既云姓張。安知此夢不為浚設。先生愠曰。汝之好盛。一至於此耶。是歲公擢第。後位極宰輔。終於少師。說者謂乃天子之師臣也。公之母舅夫人姪孫師孟。親聞公言。今為殿前司諫官。

夢金龍蟠床

江少虞類苑李至陽當作亢宮賦。其序畧曰。予多疾。羸不

勝衣。庚寅歲冬夕。忽夢遊一道宮。金碧明煥。一巨殿。一寶床。巋然於中。一金龍盤踞于床之上。碧髯金鬣。光體天地。傍有道士轉眄若謂余曰。此亢宿之宮也。大象無停輪。宜速拜之。汝將事此龍。積疾亦消。予將拜。龍輒先拜。至道初。太宗立真宗為皇太子。命公與李沆相並為賓客。太宗戒真宗曰。二臣皆宿儒重德。不可輕待。吾選正人輔導汝。宗基國本。吾無慮矣。真宗恭稟皇訓。見必先拜。符亢宮之兆也。

夢龍罩

床

南史梁文宣阮太后傳。太后本姓石。為武帝采女時在孕。夢龍罩其床。天監六年八月生元帝于後宮。是日大赦。拜為修容。賜姓阮氏。後

元帝即位。追崇為文宣太后。

夢龍蟠竈

撫州府臨川志金谿縣西二里。禪居院僧。一日夢龍蟠于竈。覺而亟視之。

乃王禪師方醉寢齋
厨未幾示偈坐忘。

夢龍據腹

史記外戚世家。漢王入織室見薄姬有色。詔內後宮。歲餘不得

幸。始姬少時與管夫人趙子兒相愛。約曰。先貴無相忘。已而管夫人趙子兒先幸漢王。漢王坐河南宮成。臯臺。此兩美人相與笑。薄姬初時約。漢王聞之。問其故。兩人俱以實告。漢王心慘然。憐薄姬。是日召而幸之。薄姬曰。昨暮夜妾夢蒼龍據吾腹。高帝曰。此貴徵也。吾為女遂成之。一幸生男。是為代王。代王立十七年。高后崩。迎代王立為孝文皇帝。而太后改號曰皇太后。

夢龍入懷

太平廣記。漢董仲舒夢蛟

龍入懷。乃作春秋繁露。

夢兩龍枕膝

續晉陽秋。李太后在會稽王宮。夢兩龍枕膝。自月入懷。其後果以相

者之言見幸太宗。凡生烈宗會稽王道子。及鄱陽公主焉。

夢龍飛而落

晉書佛圖澄傳。嘉平十四年三月。石

李龍夢龍飛西南自天而落。旦而問澄。澄曰。禍將至矣。宜父慈子孝。深以慎之。李龍引澄入東閣。與其后杜氏問訊之。澄曰。脇下有賊。不出十日。自浮圖以西。此殿以東。當有血流。慎勿東也。杜氏后曰。和尚耄邪。何處有賊。澄即易語云。六情所受皆悉是賊。老自應耄。但必者不昏即好耳。遂便寓

言不腹彰的。後二日宣果遣人害輅於佛寺中。欲因李龍臨喪殺之。李龍以澄先滅故獲免。

夢龍降池中

元史吳澄傳。澄生前一夕。其隣媼復夢有物。蜿蜒降其舍旁池中。旦以告於人而澄生。

夢龍據屋

南史齊武帝紀

帝生之夕。孝皇后。昭皇后。並夢龍據屋。故小字帝為龍兒。帝年十三。夢人以筆畫身左右為兩翅。又著孔雀羽衣裳空中飛舉。體生毛髮長至足。有人指上所踐地曰。周文王之田也。

夢龍繞殿

南唐近事烈祖帝晝寢夢一黃龍繚繞殿楹鱗甲炳煥逼而視之蜿蜒如故上既寤使視前殿即齊王凭檻而立偵上之安否問其至止時刻及視向背皆符所夢上曰天意人謀信非偶爾成吾家事其惟此子乎旬

月之間遂正儲位。即元宗也。

夢龍徙居

紹熙儀真志六合縣西南有慈濟龍王廟父老相傳池龍一日忽見夢於

靈巖寺主僧以為池旁居民多不潔願徙居巖下異聽法音。旦率眾西望迎至果起雷雨。今山中立白龍祠。太平廣記隴州吳山縣有一人乘白馬夜行。凡一縣人皆夢之。語曰。吾欲移居暫候爾牛。言訖即過。其夕數百家牛及明皆披體汗流如水於縣南山曲出一湫方圓百餘步。里人以湫龍

因牛而遷謂之特牛湫也。

夢龍降室

漁隱叢話詩說雋永云。王咸平黼為校書郎。日嘗夢龍降其室。故韓子蒼作咸

平生日書云。昔年親擢校書郎。夜夢蒼龍繞屋梁。異事那知今日應。六龍深駐載虞堂。

夢龍踞堂

夷堅志黃君訥

字敏仲。邵武人。寓居臨川。淳熙十三年冬入都赴省試。中堂會暮到旅邸。行商走卒充滿其間。無可棲泊之地。黃謂主店者曰。昏暗如此。欲前進不得。苟不見容。訥將使我安之耶。主者不得辭。旋空一室與之。處室距主翁家不遠。翁夜夢黃龍從外至。以爪抉門入。蟠踞中堂。光焰赫奕。驚而寤。疑必有貴客在邸。未黎明起訪焉。歷視十數客。皆不足當。獨黃君為士子。意其兆應是也。又問知姓黃。益自信。戒僕俟盥櫛畢。具茶湯詣之。為話宵夢。乞誌之于壁。黃固心喜。然亦不敢率而拒卻。翁退復遣二兒來。皆儒衣冠度。不可已。勉書數語而去。暨來春揭榜。則遭黜。或人云。龍雖貴證。尚爾沈鬱。蓋未即日騰翹飛天也。黃失意留連舍於張定叟侍郎之館。時有南舉先生者。道命術多中。往扣之。卦成南曰。好命。只是事事遲。更三年後却做官。但有一慮。尊府君恐有不測。宜急歸。是時黃老父在家。適得信報其抱疾。聞南語。瞿瞿不自安。即日西還。至仲冬。父果卒。黃當免舉。可應庚戌試。

而正月在禪制中計無由可會。有旨以首春雪寒。恐遠方布衣來者。懇期特展。鑽院半月。於是兼程而往。於大院期已不及。鄉人為委曲作道地。以門客避嫌。試別所。遂登科。黃龍之祥。未知驗於何日也。

夢龍入井

文苑英華 劉蛻朱氏夢龍解一作辨吳郡朱氏

言昔之夜夢龍入井。客之好誕者作佳占以祥。朱氏曰。予未嘗識周公孔子者也。然而使予得夢一丈夫。苟冠衣之吉者。因謂之周公孔子。人必知其自欺也。未嘗識越。不知越之城郭宮室途巷。苟或夢之。未可自知其何城也。然則朱氏之所夢入井者。朱氏安知其龍乎。豈非常見畫者。屈其脊擘其爪。施甲鬣雲氣於身。則似乎其所入井者耶。是朱氏之夢畫者也。殆非夢龍矣。自夏后以來。人不見龍。然而言龍者信其畫而已。漢魏之數。見者見其畫者也。薄姬之娠者亦畫者也。時門之鬪者亦畫者也。史皆謂之龍。且明史之妄。况朱氏之學妄哉。夫龍不輕出。又不可襲乎。婦人有德不鬪。故知皆非龍也。嗚呼。龍以變化為德也。或者謂如所畫亦可謂之龍也。則朱氏所夢。曾何龍乎。

夢龍感孕

北史

齊武明皇后婁氏。凡孕六男二女。皆感夢。孕文襄則夢一斷龍。孕文宣則夢大龍首尾屬天地。張口動目。勢壯驚人。孕孝昭則夢蠕龍於地。孕武成。

則夢龍浴於海。孕魏二后。並夢月入懷。孕襄成。博陵二王。夢鼠入衣下。

夢龍無尾

南史陶弘景傳。初弘景母夢青

龍無尾。自地升天。

弘景果不要無子。

夢龍出腋下

維揚志。宋泰始七年。荀伯玉夢太祖乘船在廣陵北渚。見

上兩腋下。有翅不舒。伯玉問何當舒。上曰。却後三年。伯玉夢中自謂是呪師。向上唾呪之。凡六呪。有六龍出兩腋下。翅皆垂還而復歛。元徽二年。

而太祖破桂楊威。名大震。五年而廢蒼梧。

太祖謂伯玉曰。卿時乘之夢。今且效矣。

夢龍出身中

青鑽高議

隋煬帝生。帝母夢龍出身中。飛高十餘里墮地。

夢龍出額下

宋史世家。初張文表將攻長沙。猶豫未決。有小

校夢文表龍出額下。明日以告文表。喜曰。天命也。及敗。象首於朝市。

夢龍啣符

百川學海龍城錄。上皇初登極。夢二

龍。啣符自紅霧中來。上大隸姚崇。宋璟四字掛之。兩大樹上。蜿蜒而去。夢

迴。上召申王圓兆。王進曰。兩木相也。二人名為天遣龍。致於樹。即姚崇宋

璟當為輔相兆

矣。上歎異之。

夢龍食蒿苳

周輝清波雜志。五代時。有僧某卓庵道邊。藝蔬丐錢。一日晝寢。

夢一金色黃龍。食所藝萬莖數畦。僧寤驚。且曰。必有異人至。已而見一偉
丈夫於所夢之所。取萬莖食之。僧視其狀貌凜然。遂攝衣延之。餽食甚勤。
頃刻告去。僧囑之曰。富貴無相忘。因以所夢告之。且曰。公他日得志。願為
老僧只於此地建一大寺。偉丈夫乃藝祖也。既即位。求其僧尚存。遂命建
寺。賜名普安。都人稱為道者院。則壽皇聖帝王封之名以兆於此。

夢龍求經

孫公談圃荆公為江西漕。夢小龍呼

相公求史注維摩經十卷。久而忘之。後至友人家。見佛堂中有是經。因錄而送廟。及在相府。夢小龍來謝。

夢龍吐碁

經

碁經王積夢青龍吐碁經九部授凡其藝頓精

夢斬涇河龍

西遊記長安城西遊記長安城西上有一條河。喚

作涇河。貞觀十三年。河邊有兩箇漁翁。一箇喚張梢。一箇喚李定。張梢與李定道長安西門裏有箇卦鋪。喚神言山人。我每日與那先生鯉魚一尾。他便指教下網方位。依隨着百下百着。李定曰。我來日也問先生則箇。這二人正說之間。怎想水裏有箇巡水夜叉。聽得二人所言。我報與龍王去。龍王正喚做涇河龍。此時正在水晶宮正面而坐。忽然夜叉來到言曰。岸邊有二人。却是漁翁。說西門裏有一賣卦先生。能知河中之事。君依着他。